



UKA 2020/114

3/11-2020

Nivi Olsen

Inatsisartut aalajangiiffigisassaatur siunnersuutigineqarpoq Naalakkersuisut amerikkarmiut aallartitaqarfiat qinnuvisassagaat ikioqqulluta kalaallit timaasa panernikut Harvardip Universitianiittut Peabody Katsersugaasiviani Nunatsinnut uterteqqissallugit.

(Inatsisartunut ilaasortaq Doris J. Jensen, Siumut)

(siullermeerneqarnera)

Demokraatit isumaqatigaat, Nunatta kulturikkut oqaluttussartaata annertunersaa maaniittariaqartoq. Pissusissamisuginnarpoq, kalaallit kulturikkut oqaluttuarisaanikkullu pigisavut suugaluarnersullu, kalaallit oqartussaaffigisaanniluunniit nassaajugalarunik, Kalaallit Nunaanniittariaqartut.

Taamaattumik siunnersuuteqartup isumassarsiaa tunngaviatigut isumaqatigaarput, Peabody Katersugaasivianiittut kalaallit timai panernikut maanga utertinneqartariaqarnerat.

Kisiannili aamma takusinnaavarput, Naalakkersuisut uparuaanerattuut taamaaliussagaanni arlalinnik ajornartorsiuteqartoq. Taamaattumik silatusaarnerusorinarpoq, sukumiisumik misissoraanni, taakku ajornartorsiutit qanoq ililluni aaqqinneqarsinnaanersut, aammalu tamanna tunngavigalugu timit panernikut utertinneqarnissaannut iliuusissatut pilersaarummik sanasoqassasoq.

Tamanna tunngavigalugu Naalakkersuisunit allannguutissatut siunnersut isumaqatigaarput, allannguutissatullu siunnersuut Kultureqarnermut, Ilinniartitaanermut, Ilageeqarnermullu ataatsimiititaliamut suliareqqitassanngorlugu innersuullugu.